




PLEIV SOGN GIONS
7180 DIJENTIS/MUSTÉR



Pleiv s. Gions Mustér Rapport da gestiun 2023

Impressum

Editura: Pleiv s. Gions Mustér

Ediziu: 1'150 exemplars

Stampa: La Tuatschina, Sedrun

© 2024 Pleiv s. Gions Mustér

Cuviarta: Decoraziun avon igl altar en baselgia s. Gions. – foto: R. Flury, 2023

Remarca: Sche buc auter menziunau, vala la fuorma masculina da persunas era per la feminina.

Invitaziun alla radunonza generala dalla Pleiv s. Gions/Mustér

**Venderdis, ils 19 d'avrel 2024 allas 20.15 uras
en halla communal Cons/Mustér**

Tractandas:

1. Beinvegns ed elecziun da dus dumbravuschs
2. Protocol dalla radunonza generala dils 19 d'avrel 2023
3. Rapport dil president
4. Rapports da quen:
 - a. pervenda s. Gions Mustér
 - b. baselgia s. Gions Mustér
 - c. baselgia s. Bistgaun e s.Roc Segnas
 - d. baselgia s. Antoni Cavardiras
5. Rapport dils revisurs da quen e scarica alla suprastonza
6. Elecziuns:
 - a. in commember da suprastonza
7. Collaboraziun denter las Pleivs Sursassiala, informaziun
8. Sanaziuns dad immobilias:
 - a. Baselgia Segnas: Buliu ellas preits (informaziun)
 - b. Casa pervenda Segnas: Renovaziun
 - c. Baselgia s. Gions: Sanaziun mirs el chor ed entrada pierti
9. Preventiv 2024
10. Fixaziun dil pei da taglia
11. Undraziuns
12. Orientaziuns
13. Varia

Suenter la radunonza generala vegn surviu in puschegn. Nus envidein Vus cordialmein a nossa radunonza generala.

Per la suprastonza dalla Pleiv s. Gions/Mustér:

*Il president:
Aldo Tuor*

*Il vicepresident:
Gion Tenner*

Protocol

dalla radunonza generala dalla Pleiv s. Gions Mustér
mardis, ils 19 d'avrel 2023 allas 20.15 uras en halla Cons

Gliesta da tractandas:

1. *Beinvegni ed elecziun da dus dumbravuschs*
2. *Approbazion dil protocol dalla radunonza generala dils 3 da matg 2022*
3. *Rapport dil president dalla pleiv*
4. *Rapports da quen:*
 - a. *pervenda s. Gions Mustér*
 - b. *baselgia s. Gions Mustér*
 - c. *baselgia s. Bistgaun e s. Roc Segnas*
 - d. *baselgia s. Antoni Cavardiras*
5. *Rapport dils revisurs da quen e scarica alla suprastonza*
6. *Revisiun totala dalla constituziun dalla pleiv*
7. *Elecziuns:*
 - a. *in commember da suprastonza*
 - b. *in commember dil revisorat*
8. *Preventivs 2023*
 - a. *pervenda s. Gions Mustér*
 - b. *baselgia s. Gions Mustér*
9. *Fixaziun dil pei da taglia*
10. *Undraziuns*
11. *Orientaziuns*
12. *Varia*

1. Beinvegni ed elecziun da dus dumbravuschs

Il president Aldo Tuor arva la radunonza generala cun beneventar cordialmein tuts presents. In special beinvegni admetta el a dunna Helga Probst, presidenta dil cussegl da vischnaunca. Il plevon sur Mathew sesanfla actualmein sin ina viseta en l'India.

L'invitaziun alla hodierna radunonza ei succedida ad uras e tenor nosa constituziun cun publicaziun el Fegl ufficial dalla Surselva dils 7 e dils 14 d'avrel 2023. Il rapport annual cun l'invitaziun ei vegnius tarmess el meins da mars a tuttas casadas sin intschesch dalla

vischnaunca da Mustér.

Aschia ei la radunonza habla da decider.

Sco dumbravuschs vegnan elegi: Aluis Hosang e Rosa Huonder.

Tier l'approbazion dalla gliesta da tractandas pren Gion Battesta Manetsch il plaid.

El sedamonda daco che la revisiun dalla constituziun dalla pleiv vegni tractada questa sera, sunter il motiv dalla midada e daco ch'ins hagi buca survegniu ordavon dapli informaziuns. La nova constituziun dalla baselgia cantunala seigi aunc en consultaziun e mondi en vigur pér ils 01-01-2025. Sunter hagian las pleivs aunc dus onns peda d'adattar

lur constituziun.

Ord quels motivs propona Gion Battista Manetsch da strihar la tractanda 6 e da tractar la revisiun dalla constituziun totala dalla pleiv a caschun d'ina radunonza generala extraordinaria.

President Aldo Tuor pren posiziun. La proposta ei vegnida presentada sin la website dalla pleiv cun ina informaziun detagliada davart las midadas essenzialas ed el rapport annual ei vegniu menziunau che mintginA sappi retrer ils documents necessaris per prestudi. La suprazonza secumpona daditg buca pli tenor constituziun. Aschia duein ils organs dalla pleiv vegnir adattai. La munconza da plevons basegna egl avegnir ina collaboraziun regiunala cun agid d'ina assistenza pastorala. In niev punct essenzial ei l'integraziun dalla pussevliadad d'ina reelecziun resp. la relaschada d'in plevon ni d'ina menadra/d'in menader dalla pleiv. Era las prescripziuns davart il revisorat ein vegnidadas adattadas.

La Baselia cantunala ha semtgau ina nova constituziun ch'ei vegnida acceptada dallas pleivs enteifer ina consultaziun. Tut ils novs puncts ein vegni risguardai en nossa proposta. La revisiun cantunala ha giu liug igl onn vargau. Da quei gremi da rodund 20 persunas da differentas spartas ha era nies president Aldo Tuor fatg part. La constituziun revedida corrispunda era al meini digl uestgiu. Quella vegn presentada al parlament cantunal quest atun e vegn segiramein approbada da tuttas pleivs.

La suprazonza ha dil reminent presentau la revisiun al cussegl dalla pleiv ed anflau leu acceptanza unanima.

Silsuenter pren Rita Furger il plaid. Oz hagien nus la pussevliadad da decider sur digl avegnir da nossa pleiv. Tenor ella duess ei dar in'informaziun publica, buca mo pil cussegl dalla pleiv. Il cussegl dalla pleiv

representi buca ils interess dils parochians. En Svizra regi tier la Baselia catolic romana il sistem dual e buca il sistem d'ina baselia da monopol. Che la convivenza da gremis dil dretg ecclesiastic e dil dretg giuridic dil stadi funcziuneschien, dependi con bein ch'ei seigi reglau constituziuns, regulativs, uorden da fatschenta ed ils pensums. L'indicaziun ch'ils dretgs da parochians vegnien buca reduci ella nova constituziun constetti buca. Ella supplichescha instantamein da buca tractar oz la nova constituziun, mobein pli tard a caschun d'ina seduta extraordinaria.

Il president visa vi sin sias informaziuns gest fatgas e supplichescha la radunonza da tractar la revisiun sco previu.

Votaziun:

Il president suttametta als presents la damonda schebein la revisiun dueigi vegnir tractada tenor proposta dalla suprazonza ni vegnir stuschada sin ina radunonza extraordinaria. Cun 26 vuschs encenter 15 vuschs decidan ils presents da tractar la constituziun.

2. Approbaziun dil protocol dils 3-5-2022

Il protocol dalla davosa radunonza generala vegn approbaus senza midadas e cun in grond engraziament all'autura.

3. Rapports

a. dil president dalla pleiv

Cunquei ch'il rapport dil president ei era publicaus el rapport da gestiun serestrenscha president Aldo sin entgens puncts impurtonts. Ils presents seregordan en in cuort memento dils 30 parochians ch'ei mortis igl onn vargau en nossa pleiv.

Il president menziunescha cuortamein la pastoraziun e la collaboraziun denter las treis pleivs en Sursassiala. Nus essan engrazievels che nus astgein disponer d'in

plevon en vischnaunca, in fatg che secapescha buca da sesez. Lein sustener el en sia gronda incarica da pastoraziun en nossa pleiv!

El rapport vegn menziunau la situaziun actuala en Sursassiala. Da present ei ina gruppa da lavur lundervi dad analizar quella situaziun e tschercar sligaziuns. Nus sesentin gest uss en ina buca fetg confortabla situaziun. La pleiv s. Gions ei leda d'haver in plevon en pleiv, elegius dalla radunonza cun la missio per ils proxims 6 onns. Da l'autra vart sentin nus ina certa obligaziun da segidar cun las pleivs vischinontas che han buca plevon. In plevon per treis pleivs ei denton memia pauc ed havess era per consequenza che nus stuessen reducir nossas pretensiuns e desister d'ina u l'autra purschida. Tenor la situaziun actuala eis ei dad ir da quei anora che ni Tujetsch ni Medel vegnan egl avegnir a saver pladir in plevon. Per cletg astgein nus pil mument aunc sefidar digl agid da sur Alexi e sur Giusep, sco era dalla claustra. Igl ei denton necessari che nus anflien a media vesta in agid en fuorma d'ina assistenza pastorala e quei en collaboraziun dallas treis pleivs. Dad ina caussa stuein nus esser pertscharts: Tuts commembers dalla pleiv ston s'engaschar sezs per esser egl avegnir cuminonza da pleiv. Cun vuler spitgar sin agid d'ordlunder, respectiv da Cuera, fagein nus naufragi.

Alla fin da siu rapport engrazia il president a tuttas e tuts che s'engaschan sin ina moda ni l'autra pil beinstar e prosperar dalla pleiv s. Gions.

La cuminonza Pleiv s. Gions funcziuna mo muort ina buna collaboraziun vicendeivla e grazia agl agid da bia gidonters e biaras gidontras. Quei agid vegn el futur pli e pli impurtonts.

4. Rapports da quen:

a. pervenda s. Gions

Il quen dalla pervenda siara cun entradas da frs. 417'585.13 (416'055.35) ed expensas da

frs. 414'328.20 (421'084.45) cun in surpli d'entras da frs. 3'256.93 (-5'029.10). Per renovaziuns futuras dalla baselgia s. Gions ei vegniu fatg ina nova reserva da frs. 60'000.--. Aschia munta il capital agen dalla pleiv a frs. 583'535.38 (519'623.85).

Igl ugau-pervenda Willi Lozza declara en detagl entginas posiziuns dil quen.

Rita Furger damonda suentar il tscheins casa dalla casa pervenda da Segnas.

Willi Lozza sa informar che la suprastonza hagi decidiu da lezzas uras da desister d'in tscheins casa ord il motiv che sur Pius segidava aunc en pleiv cun far messas. Plinavon paghi sur Pius sez tut ils cuosts accessoris sco scaldament, forza electrica, manteniment dalla casa, schubergiar eav.

b. baselgia s. Gions

Il quen dalla baselgia s. Gions siara cun entradas da frs. 35'298.16 (34'350.92) ed expensas da frs. 51'355.80 (39'578.05) cun in deficit da frs. 16'057.64 (-5'227.13). Tier las entradas ei da remarcar ina contribuziun dalla pleiv da frs. 8'000.00 (18'000.00). Il capital agen dalla baselgia s. Gions munta a frs. 55'872.89 (71'930.53).

Els proxims onns ei da tschercar ina nova finanziaziun dil quen dalla baselgia. Ils deficits san a vesta media buca pli vegnir cuvretgs cun il surpli ord il fondo da messas fundadas.

Discussiun:

Gion Battesta Manetsch damonda suentar la gronda differenza dil conto "diversas expensas". Romeo Schmed sa motivar la differenza cul fatg che la suprastonza ha schau far la firma Vasella in'analisa davart il stan dalla baselgia s. Gions. Quella analisa seigi in bien manual per l'organisaziun e la planisaziun dallas renovaziuns che spetgan nus ils proxims onns. Ils frs. 14'000.- persuentar figuravan buc el preventiv.

c. *baselgia Segnas*

Il quen dalla baselgia s. Bistgaun e s. Roc Segnas siara cun entradas da frs. 14'675.12 (7'615.30 ed expensas da frs. 12'448.60 (19'248.75) cun in surpli d'entradas da frs. 2'226.52 (-11'633.45).

Tier las entradas ei da menziunar ina contribuiziun da frs. 10'000.- ord il fondo messas fundadas. La facultad avon maun munta a frs. 218'608.56 (216'382.04).

Igl ugau-baselgia Gion Tenner declara entginas posiziuns dil quen.

Discussiun:

Rita Furger damonda schebein ei detti ina reglamentaziun pils fondos da messa.

Risposta Gion Tenner: Ei dat in regulativ digl uestgiu en caussa. Tenor quel astga la baselgia far diever dil surpli dallas entradas ord il fondo, denton mo pil diever dalla baselgia, pia p.ex. per renovaziuns.

d. *baselgia Cavardiras*

Il quen dalla baselgia a Cavardiras siara cun entradas da frs. 6'449.10 (10'995.81) ed expensas da frs. 9'669.54 (9'848.70) cun in surpli d'expensas da frs. 3'220.44 (+1'147.11). La facultad dalla baselgia s. Antoni a Cavardiras munta a frs. 234'893.66 (238'114.10).

Il motiv pil surpli d'expensas: frestgentar las ligiadiras sur la porta baselgia, schar installar ina lingia d'aua separada per la baselgia e l'installaziun per arver e serrar automaticamein la porta-baselgia.

Ei dat neginas damondas.

5. Rapport dils revisurs da quen e scarica alla supraponza

Il revisurs da quen, Pirmin Monn e Claudius Berther han controllau ils 8 da fevrer 2023 ils differents quens dalla pleiv sco era tut ils fondos da baselgias e capluttas pigl onn da gestiun 2022. Els attestan che tuttas contabilitads

seigien menadas bein ed en uorden.

Sin proposta dils revisurs decida la radunonza generala unanimamein:

1. d'approbar ils quens administrativs e las bilanzas dalla pervenda, dalla baselgia parochiala s. Gions, dallas caplanias Segnas e Cavardiras sco era ils quens dils fondos da baselgias e capluttas digl onn 2022,
2. da dar scarica alla supraponza ed als funcziunaris,
3. d'exprimer in meritau engraziament alla supraponza, als augsegners ed a tuttas ugadessas/tuts ugaus per lur nunstunclenteivel engaschi.

Il president engrazia era als revisurs Claudius Berther e Pirmin Monn per lur gronda e minuziusa lavur.

6. Revisiun totala dalla constituziun da pleiv

Suenter la discussiun a l'entschatta dalla radunonza san ils presents desister d'ina debatta d'entrada. Mintga artechel vegn mess en discussiun.

Tiels artechels suandonts dat ei damondas ni votaziuns:

Art. 2 Intent

Rita Furger damonda suenter la muntada dil plaid infrastruttura sut alinea 4.

Aldo Tuor: Cun quei ei manegiau dad organisar e metter a disposiziun tut il necessari per saver dar uras da ductrina.

Gion Battista Manetsch damonda schebein alinea 5 seigi aunc actuala?

Tenor il president dat ei actualmein negina persuna che s'occupescha cun quellas gruppas.

Art. 4 Dretg da votar, eligibilitad

Gion Battista Manetsch sedamonda schebein ins stuess en alinea 2 menziunar commembras e commembers.

Il president vegn a sclarir schebein ins sto leu applicar la versiun masculina e feminina. Per

la legibladad fuss ei meglier da duvrar mo il plaid commember.

Art. 10, Alinea 2 Exclusiun e recusaziun, prender stgisa

Emploiai dalla pleiv cun in pensum sur 50 % astgan buca appartener alla suprastonza dalla pleiv. Al revisorast astgan emploiai dalla pleiv insumma buca appartener.

Rita Furger propona: Emploiai dalla pleiv astgan buca appartener alla suprastonza da pleiv.

Il president fa attents che la pleiv seigi visada sin mintga persuna che segida cun la pleiv. La constituziun cantunala lai expressivamein ord quei motiv liber allas pleivs da definar quei passus. Aschinavon ch'in emploiau ei commember da suprastonza sto el prender stgisa leu nua ch'el ei pertuccaus.

Votaziun: Cun 34 vuschs encunter 9 vuschs s'exprima la radunonza per la proposta dalla suprastonza.

Art. 12 Cumpetenzas

La radunonza dalla pleiv ha las suandontas cumpetenzas:

Alinea b) relasch, midadas e cassaziun da leschas;

Rita Furger propona alinea b) relasch, midadas, cassaziun da leschas, regulativs ed ordinaziuns

Il president fa attents ch'ei dat differents regulativs da muntada secundara che la suprastonza sto saver adattar alla situaziun actuala. Aschinavon ch'ina tala decisiun havess effect sil quen, san talas midadas vegnir presentadas enteifer la tractaziun dil preventiv. Votaziun: per proposta suprastonza 37 vuschs, per proposta Rita Furger 6 vuschs

Art. 17 Cumposiziun

Alinea 3) Ella relai in uorden da fatschenta en fuorma d'ina ordinaziun che regla las incaricas, las responsablads e las cumpetenzas dils

singuls suprastonts e dil secretariat.

Rita Furger: La suprastonza pren per ella quella cumpetenzza. Ina suprastonza ha buca da relaschar a sesezza talas cumpetenzas.

Letizia Lozza ei dil meini che Rita Furger seigi la suletta che hagi studegiau endretg la constituziun nova e fa attents ils presents da ponderar bein las votaziuns.

Il president fa attents ch'igl uorden da fatschenta seigi ina directiva per la suprastonza e cumpegli neginas cumpetenzas ordeifer quellas dalla constituziun. Quei document regla l'organisaziun dalla suprastonza, la repartiziun dils ressorts. In document che biaras autras pleivs sco era interpresas privatas han era.

Art. 18 Obligaziuns e cumpetenzas

Alinea h): Il president fa attents sin ina correctura redacziunala. Ei setracta cheu buca d'ina nunreeleczion, mobein d'ina relaschada dil plevon ni dalla menadra/dil menader dalla pleiv en connex cul dretg da lavur.

Alinea l) concluder davart expensas unicas entochen frs. 50'000.– netto ed entochen frs. 20'000.– netto davart expensas che serepetan onn per onn.

Rita Furger fa la proposta da schar sco tochen dacheu, pia expensas unicas entochen frs. 30'000.– e frs. 15'000.– per expensas che serepetan.

Votaziun: per la proposta dalla suprastonza 35 vuschs, per la proposta da Rita Furger 10 vuschs
Alinea o) promover il svilup dalla pleiv, da purschidas ecclesiasticas, da projects ed eveniments dalla baselgia en concordanza culs responsabels principals per la pastoraziun.

Proposta Rita Furger: promover il svilup dalla pleiv cun procurar per ils mieds finansials per il cussegl pastoral sinaquei che lez sappi ademplir sias incaricas el rom dalla pastoraziun
Votaziun: per la proposta dalla suprastonza: 29 vuschs, per la proposta da Rita Furger: 10 vuschs

Art 23 Administraziun dallas capluttas

Gion Battesta Manetsch: Pli baul decidevan ils vischins sur digl avegnir dallas capluttas. Ozildi hagien els da dir nuot pli, resp. mo igl ugau-baselgia seigi aunc dumandaus. Cul niev artechel vegnien era quels danvonz.

Aldo Tuor: aschiditg ch'ins anfla ugauscaplutta che miran dallas capluttas e fan era ils rendaquens stat tut sco tochen dacheu. Sch'in niev ugau vul denton buca sedar giu cun finanzas sa el surdar quei al responsabel dallas finanzas en suprastonza.

Gion Battesta Manetsch: Ils fondos dallas capluttas ein era buc surempleni – e tgi s'engascha pli tard aunc pils baghetgs sacrali? Ils vischins da Mumpé Medel vessen giu il giavisch da schar installar in tuchiez electric – ei seigi vegniu fatg nuot.

Aldo Tuor: la suprastonza sesprova vinavon da tuttina far tut il pusseivel da mantener tut las capluttas sco era ils survetschs divins tenor basegns.

Art 25 Entradas

Alinea 2: midada redacziunala, taglia pleiv enstagl taglia baselgia.

Tuts artechels dalla nova constituziun ein vegni tractai. Dalla pussevividad da revegnir ad in u l'auter artechel vegn buca fatg diever.

Rita Furger giavischa ch'ei vegni votau per scrutini davart la nova constituziun.

Votaziun finala a scret davart la revisiun totala dalla constituziun:

Resultat: 35 gie, 9 na, in cedel vit.

Il president engrazia per l'approbaziun dalla constituziun. El fa explicit attents sin art. 35 dalla constituziun actuala, tenor il qual ins sappi far recuors tier la cumissiun da recuors dalla Baselgia catolic-romana dil Grischun enteifer 20 dis.

7. Elecziuns suprastonza:

Avon las elecziuns vegn priu cumiau oz digl ugau-pervenda partent Willi Lozza che ha abdicau suenter in'appartenenza da 24 onns en suprastonza dalla pleiv s. Gions.

Il vicepresidente Gion Tenner astga far la honoraziun cun menziunar tut ils gronds e buns survetschs che Willi Lozza ha fatg durant 24 onns en favur dalla pleiv.

Pil futur giavischein nus al Willi tut bien, buna sanadad e biars e bials muments ensemen cun sia famiglia. Sco regal survegn il honoraui in bon per in viadi a Saas-Fee ensemen cun sia consorta.

a) 1 commember da suprastonza

Ils presents han gest approbau la nova constituziun per la pleiv. Las elecziuns succedan aschia tenor las novas stipulaziuns en quella constituziun. La suprastonza consista da minimalmein 5 commembers, numnadamein dil president, treis commembers da suprastonza ed il plevon. Aldo Tuor, Romeo Schmed, Alexa Schuoler sco era il plevon ein en uffeci. Il vicepresidente Gion Tenner stat en reelecziun per ina nova perioda d'uffeci.

En elecziun stat uonn Gion Tenner. Da niev surpren el cun il ressort "Fatgs da baghegiar" ina impurtonta incarica. Nus essan perschuidi ch'el fa quei plein anim. El vegn reelegius unanimamein cun in grond applaus. Il president gratulescha ed engrazia ad el per il grond engaschi e la buna collaboraziun.

a) Revisur da quen:

Claudius Berther stat vinavon a disposiziun sco revisur da quen cun cumpetenzza correspondentia. El vegn reelegius cun in grond applaus. Era ad el seigi gratulau ed engraziu per siu engaschi.

8. Preventivs

a. pervenda s. Gions

Il preventiv 2023 dalla pervenda preveda tier expensas da frs. 372'160.– ed entradas da frs. 376'380.– in surpli d'entradas da frs. 4'220.–.

b. baselgia s. Gions

Il preventiv dalla baselgia s. Gions preveda tier expensas da frs. 35'300.– ed entradas da frs. 26'550.– in surpli d'expensas da frs. 8'750.–.

Ils preventivs vegnan approvai unanimamein.

9. Fixaziun dil pei da taglia

La radunonza generala approbescha ils preventivs dalla pervenda e dalla baselgia s. Gions e fixescha il pei da taglia per 2024 sin 12 %.

10. Undraziuns

Cun l'entschatta digl onn da scola 2022/23 ei Helen Riedweg seretratga dalla gruppa da preparaziun dil team Salid dil Segner. La Helen ei s'engaschada leu treis onns cun gronda activitad. Ella ha creau bialas tastgas per ils affons, scaffiu biars e bials maletgs, accumpignau il cant dils affons cun la flauta e capiu da tschaffar ed incantar ils affons. Il team dil Salid dil Segner ha schazegiau zun fetg quella grondiusa collaboraziun ed engrazia era per l'amicabladad. Ina gronda prestaziun e da nossa vart in grond Dieus paghi persunter.

Il team dil Salid dil Segner ha astgau beneventar da niev Claudia Flepp-Wieland e Daniela Deflorin-Flepp. Engraziel fetg per lur engaschi en favur dils affons.

Felici Deflorin

Felici Deflorin ei staus entgins onns a disposiziun sco gidonter tier sepulturas. Era quei ei in'impurtonta funcziun tier las sepulturas e nus engraziein ad el per siu engaschi ella pleiv s. Gions.

11. Orientaziuns

Neginas orientaziuns.

12. Varia

Gion Battesta Manetsch vul saver tgi che daventi niev archivar?

Aldo Tuor: Quella damonda vegn la suprastonza a decider a caschun d'ina dallas proximas sedutas.

Allas 22.35 siara il president Aldo Tuor la radunonza generala 2023. El engrazia a tuts presents per la presenza e per l'animada discussiun. Tuts presents ein envidai ad in puschegn preparaus e survius dall'Uniun da puras Mustér.

Mustér, ils 22 d'avrel 2023

Pil protocol: Jris Lombris

Rapport dil president

Preziadas parochianas, preziai parochians

Gia dapi dus onns regia ina sgarscheivla uiara en l'Ucraina, in'uiara che ha caschunau gronda misera ed in enorm diember da fugitivs. Encunter la fin digl onn, ha ei plinavon dau ina mazzacra en Tiara Sontga e dapi lu exista ina nova uiara denter ils Palestines ed ils Israelis. Vitier vegnan tut ils ulteriurs conflicts e problems ch'existan sin nos tschun continents. Tals conflicts mettan in grond diember da carstgauns en fetgas e pitgiras, caschunan grond fomaz ed in enorm problem pertuccont ils fugitivs. Schegie che la solidaritad humana cun quels carstgauns ei gronda, han ins tuttina il sentiment ch'igl agid e sustegn seigien pauc auter ch'in daguot ella mar. Nus reagin per part cun temas, malsegirtad e resignaziun. Nus savein mo sperar che la politica e la societad anflien cul temps ina via per menar a fin quellas dispetas. En nossa pleiv ed en nossa patria astgein nus esser zun engrazieivels da saver viver en pasch e ventira.

Bugen less jeu en miu rapport annual regurdar ad entgins fatgs enteifer nossa pleiv.

La pastoraziun

Dapi gleiti tschun onns ei sur Mathew plevon en nossa pleiv. Nus essan zun engrazieivels ch'el ei cheu tier nus sco pastur dallas olmas. Sco jeu hai menziunau gl'onn vargau, ei pastoraziun accumpignament, in agid enteifer la cuminonza che sebase sin plirs differents survetschs. En nossa pleiv astga nies plevon sebasar sin dabiaras gidontras e gidonters durent ils survetschs divins en baselgia ed en casa da tgira Puntreis, lu a caschun da visetas als malsauns ed a persunas attempadas, sco era ad ulteriurs survetschs socials. Lein sustener il plevon e tut quels che segidan cun la pastoraziun en vischnaunca.

Statistica:

Egl onn vargau vein nus registrau 14 (18) battens. 13 (29) affons han astgau retscheiver l'emprema sontga communiun e 15 giuvenils il sacrament dalla s. creisma. En nossa pleiv han giu liug 2 (5) nozzas.

Cun la fin digl onn 2023 vein nus astgau dumbrar 1'633 (1620) parochianas e parochians en nossa pleiv.

Collaboraziun denter las pleivs

Sco gia menziunau el rapport digl onn vargau, basegna la situaziun actuala ina collaboraziun denter las differentas pleivs. Igl ei da supponer che nus stuein a liunga vesta secuntentar mo cun in plevon a Sursassiala. Quella munconza da plevons pretenda midadas dallas structuradas existentas. Egl avegnir pretenda ella denton era in pli grond engaschi da commemoras e commembers dalla pleiv. Ina gruppa da lavur cun agid da dunna Flurina Cavegn – ella fa part dil team da svilup pastoral digl uestgiu da Cuera – discussiunescha e tscherca propostas per ina collaboraziun regionala. En treis fasas duei la collaboraziun sesviluppar en direcziun, dad haver la pusseivladad da saver installar in'assistenza pastorala en nossa regiun. Quella finamira pretenda denton aunc in grond engaschi ed aunc dapli acceptanza. A caschun dalla radunonza generala san parochianas e parochians s'exprimer davart quei project.

Nova costituziun per la pleiv

A caschun dalla davosa radunonza generala han parochianas e parochians approbau la nova costituziun dalla pleiv. L'approbaziun dalla cumissiun administrativa dil Corpus Catholicum ei avon maun. La nova costituziun risguarda la situaziun actuala ella pleiv. Ella corrispunda era cun la nova costituziun dalla Baseligia cantunala che vegn en votaziun questa



Participontas e participonts al peleginadi tier Fra Clau da Flia (T. Hendry)



President e plevon a caschun d'ina sentupada (Paul Duff)

primavera. La nova constituziun ei accessibla sin la website dalla pleiv.

Baselgia s. Roc e s. Bistgaun a Segnas

El decuors digl onn vargau eis ei semussau ch'ils mirs dalla baselgia ein vegni attaccai fermamein d'in buliu. Ina sanaziun dils mirs resp. ina eliminaziun da quei buliu ei absolutamein necessaria. Actualmein essan nus vidlunder dad analisar la situaziun e dad elaborar las mesiras necessarias per segirar il stan dalla baselgia. Sche pusseivel vegn il project da sanaziun presentaus a caschun dalla radunonza generala.

Nos morts

El decuors d'in onn sebrattan legria e tristezia. Aschia vein nus stuiu surdar 20 commembras e commembers da nossa pleiv al santeri a s. Gions. Malgrad la gronda tristezia per las famiglias en malencurada astgein nus esser cuntents che tontas parochianas e parochians assistan al survetsch divin funeral ed accumpognan ils defuncts sin santeri. Nus sperein ed essan perschua di ch'il Segner ei misericordeivels cun nos defuncts. Els ruaussien en pasch.

Reto Lutz-Stiefenhofer

(14-11-1943 – 20-08-2023)

Reto Lutz-Stiefenhofer ha adina puspei collaborau grondamein cun la pleiv. El ei staus presents cura ch'ei duvrava el. Aschia eis el segidaus oravontut tier l'ordinaziun en baselgia e tier las sepulturas. Quellas incaricas ha el ademplier cun grond plascher. Ins ha adina astgau clamar el cura ch'ei fageva da basegns. Per tut siu agid e ses survetschs mereta el nies grond engraziament. Detti Niessegner ad el la pagaglia meritada ed il ruaus perpeten.

Avat dr. Daniel Schönbächler

(31-03-1942 – 14-08-2023)

Ils 18 da december 2000 ha la cuminonza claustrala eligliu pader Daniel sco 65avel avat dalla claustra da Mustér. Duront 12 onns ha el tgamunau la claustra. Avat Daniel ei staus zun activs en diversas instituziuns cantunalas e naziunalas. Cun la fundaziun dalla Pro claustra Mustér ha el saviu segirar gronds mieds finansials per ils differents projects da manteniment e sanaziun dalla claustra. La pleiv ha adina astgau guder sia simpatia. Nus lein seregurdar dad avat Daniel cun grond engraziament e nus essan perschua di ch'el vegn a metter en in bien plaid tiel Segner a favur dalla claustra e da nossa pleiv.

Marlene Deflorin – Rainalter

(17-01-1950 – 15-08-2023)

Marlene Deflorin-Rainalter ha collaborau grondamein cun la pleiv en differentas funcziuns. Ella ei stada presidenta dil Cussegl pastoral a Segnas ed ei segidada cun parter ora la s. communion sco era sco lectura. Quellas incaricas ha ella ademplier buca mo cun bia plascher, mobein oravontut cun ferma perschua di e gronda perseveronza. Bia uras e dis ha ella mess a disposiziun ed aschia prestau gronds ed impurtonts survetschs per parochianas e parochians da nossa pleiv. Per quei engaschi mereta ella nies respect ed engraziament. Detti Dieus ad ella la bein meritada pagaglia ed il ruaus perpeten.

Pader Urban Affentranger

(18-03-1944 – 04-12-2023)

Gest suenter la matura, igl onn 1964, ei pader Urban entraus en claustra a Mustér. Pader Urban ha dedicau sia entira veta al Segner e viviu cumpleinamein tenor la regla benedictina. Entras sias multifaras funcziuns sco scolast, rector, organist e menader dil Forum claustral a Mustér, ha el acquistau gronds merets lunsch



Sentupada cugl uestg a caschun dil di da ministrantAs a Cuera (C. Defuns)



Olinda ed Aluis Hosang ein stai fideivels collaboraturs durant biars onns (Corina Defuns)

sur ils confins dalla claustra ora. El astga ussa retscheiver la meritada pagaglia. Nus seregurdein dad el cun respect e cun grond engraziament.

Instrucziun religiusa

Sco mintg'onn less jeu danovamein menziunar l'impurtonza dall'instrucziun religiusa da nos affons. Egl onn da scola 2023/24 ein els vegni instrui da suandontas persunas:

Regina Giger-Caminada	1. – 2. cl. primara
Corina Defuns	3. – 6. cl. primara
Ser Christoph Zingg	1. – 2. cl. superiura
Sur Mathew Kurian	3. cl. superiura

Sco mintg'onn less jeu far attents alla gronda ed impurtonza lavur che las catechetas Corina e Regina prestan per ina buna scolaziun religiusa da nos affons. Nies plevon sur Mathew ha surpriu l'instrucziun dalla davosa classa superiura. Per l'emprema ga vein nus astgau surdar al plevon reformau l'instrucziun da duas classas dalla scola superiura. Nus selegrein ch'ei reussescha da viver il spért ecumen ed engraziein alla pleiv evangelica dalla Cadi per siu sustegn ed engaschi en favur dall'instrucziun religiusa.

Cun grond plascher astgel jeu era menziunar che dunna Ursina Murer absolve dapi igl atun 2023 la scolaziun da catecheta. Aschia savein nus sperar che nus pudein era egl avegnir sebasar sin persunas qualificadas per l'instrucziun religiusa da nos affons.

Cumiau d'ina catecheta e dad in catechet

Cun la fin digl onn da scola 2022/23 ha la pleiv priu cumiau da duas persunas che han prestau gronda lavur pertucont l'instrucziun religiusa en nossa scola. Ils consorts Aluis ed Olinda Hosang ein sedecidi da serender ella beinmeritada pensiu.

Olinda ed Aluis, duas persunas che han dau

uras da religiun en nossa scola ils davos 23 onns, pia quasi in quart tschentaner. Ils davos 23 onns han els cun lur instrucziun religiusa en nossa scola contribuì ina preziosa ed impurtonza cumpart al svilup spirtal da nundumbreviels giuvenils. Lur engaschi mereta gronda reconuschientscha. Els han preparau e menau cun grond entusiassem biaras messas da scola. Quellas messas han buca mo ina muntada religiusa, mobein han era gidau a crear ina cuminonza cun ina tenuta cristiana en nossa scola. Plinavon han els preparau biaras giuvnas e biars giuvens per ils sacraments da l'emprema sontga communiun e dalla sontga creisma, dus eveniments impurtonts sin lur viadi religius. Cun quei han els dau a giuvens e giuvnas impurtonts impuls per far capir l'impurtonza da quels sacraments. El mund dad oz, cun plein sfidas e distracziuns, eis ei buca ina sempla incumbensa dad instruir ed inspirar giuvenils en fatgs da cardientscha. Aluis ed Olinda han adempliu quella incarica cun gronda pissiun.

En num dalla pleiv engraziein nus grondamein per tut igl engaschi e tut il prestau. Nus sperein ch'els sappien guder communablamein la pensiu cun far empau pli pacific e senza squetsch, sededicar allas bialas caussas dil mund e tut quei en fetg buna sanadad.

Fiastas ecclesiasticas

Puspei eis ei stau pusseivel da s'entupar regularmein a caschun da nossas fiastas ecclesiasticas, las qualas han gronda muntada per nossa pleiv. Ils survetschs divins a caschun dallas quaterfiastas, da dumengia alva, da Sontgilcrest ensem cun la claustra, da s. Gion Battista e las perdanonzas dallas diversas capluttas e baselgias, ein caschuns d'exprimer la communitad cristiana. In grond engraziament s'auda als chors baselgia s. Gions e Segnas, alla societad da musica, all'unìun da giuventetgna ed a tuttas ulteriuras



Avat Vigeli, la catecheta Olinda ed ils 15 niev cresmai (Paul Duff)



Il premcommunicants 2023 cun lur catecheta Corina Defuns (Paul Duff)

uniuns per lur impurtonta e biala participaziun. Cun grond plascher beneventein nus mintg'onn la cuminonza claustrala ad in survetsch divin a s. Gions e sunter messa ad in apero avon casa Puntreis.

Sch'ins seregorda aunc dalla gronda participaziun d'antruras che semanifestava a caschun dallas fiastas grondas, ston ins sedumandar, tgei e co savess ins puspei motivar parochianas e parochians da separticipar pli numerusamein a nossas sentupadas. Lein denton esser optimists e sespruar da far il meglier pusseivel.

Ministrantas e ministrants

Scolaras e scolars dalla tiarza classa sorprendan mintgamai il survetsch da ministrar quei onn ch'els astgan retscheiver l'emprema sontga communiun. Legreivlamein stattan era sunter quei onn adina puspei in per dad els vinavon a disposiziun per survir messa. Per lur bi ed impurtont survetsch tier las sontgas messas, engraziein nus ad els da cor.

Ils 21 da zercladur 2023 ha la pleiv envidau ministrantas e ministrants ad ina excursiun cun auto da posta sur il pass Lucmagn ella stiva da sulegl. Communablamein han els astgau guder in bellezza di da recreaziun e divertiment sil Monte Tamaro.

Ils 21 d'october 2023 ha igl uestgü envidau ministrantas e ministrants ad in di da sentupada a Cuera. In bi diember da nossas ministrantas e nos ministrants ha dau suatientscha a quei invit ed ha visitau la capitala. Cun musica, ina cuorsa atras il marcau, enzatgei bien per il magun e cun ina devoziun finala cun nies uestg, han els passentau in di da cuminonza extraordinari a Cuera.

Sentupada da collaboraturas e collaboraturs

Muort las restricziuns dalla pandemia eis ei per in liung temps buca pli stau pusseivel da s'entupar en gruppas pli grondas. Ton pli vein nus giu plascher d'astgar envidar tuttas gidontras e tuts gidonters dalla pleiv s. Gions ad ina sentupada. Venderdis, ils 10 da fevrer 2023 ein rodund 50 personas sentupadas en sala alva dalla claustra tier ina buna tscheina, preparada dalla cuschina dalla claustra. Era avat Vigeli, pader decan Bruno e nies plevon sur Mathew, han priu part dallas vivas discussiuns en in'atmosfera emperneivla.

Pelegrinadi a Sachseln tier fra Clau da Flia

Ils 21 da settember 2023 ein 32 parochianas e parochians dallas treis pleivs da Mustér, Medel e Tujetsch semess da cuminonza sin viadi sco pelegrinas e pelegrins tier fra Clau da Flia. El vala sco grond promotur dalla pasch, cun irradiaziun mundiala e s'auda aunc oz tier ina dallas grondas persunalitads dalla Svizra. Ils 15 da matg 1947 eis el vegnius numnaus sogns. Sunter in survetsch divin cun sur Ernst Fuchs ella baselgia da pelegrinadi a Sachseln e sunter in bien gentar vein nus saviu visitar la caplutta cun la fossa, sco era la casa paterna da fra Clau. Punct culminont ei la viseta el Ranft stada. Leu ha sur Giusep Venzin fatg ina devoziun pils pelegrins. La via teissa anavos viers Flüeli ha pretendiu da tuts, sunter bia vivonda spirtala, in sforz corporal. Sur Ernst Fuchs ha dau cun siu accumpignament agl entir pelegrinadi la valur d'in ver pelegrinadi tier fra Clau da Flia.

Di da suppa

Dumengia, ils 3 da mars 2023 ha il Cussegl pastoral dalla Pleiv s. Gions en collaboraziun cun la pleiv evangelica dalla Cadi organisau in di da suppa. Sunter il survetsch divin ei in grond diember da parochianas e parochians



Il ministrants sin viadi sil Monte Tamaro (J. Lombris)



Il premcommunicants da Sontgilcrest (U. Defuns)

s'entupaus en halla Cons tier in gentar da suppa communabel. Il recav ei vegnius transferius en favur da diversas instituziuns ell'India.

Creisma 2023

Per la davosa gada ha la catecheta Olinda preparau las giuvnas ed il giuvens per lur grond di dalla sontga creisma. Ina gronda raspada ha accumpignau ils 15 giuvenils da nossa pleiv al sacrament dalla sontga creisma. Els ein vegni unschi e sigilai cul dun da Diu, il sogn Spért, e vegnan cheutras rinforzai per lur veta en nossa societad sco era per lur via el ravugl dalla baselgia cristiana. Cun plascher vein nus beneventau avat Vigeli, sco cresmader. Cun tuts ensemen ha el celebrau il survetsch divin cul tema “Nus lein secolligiar cul sogn Spért”.

Emprema sontga communiun

Dumengia alva, ils 16 d'avrel 2023 han 13 affons dalla tiarza classa astgau retscheiver l'emprema sontga communiun. La catecheta Corina ha duront in onn preparau els duront las lecziuns da ductrina per lur grond di da fiasta. “Jesus, la fontauna d'aua per la veta”, ei stau il tema dalla dumengia alva. Cun bials texts e cun bialas canzuns han els enrihiu lur fiasta. Plinavon han scolaras e scolaras dalla quarta entochen la sisavla classa embelliu supplementarmein la fiasta cun cant. Suenter il survetsch divin ha la pleiv envidau tuts presents ad in aperitiv avon casa da tgira Puntreis. Ils premcommunicants separticipeschan era mintgamai alla processiun da Sontgilcrest che la vischnaunca festivescha ensemen culs claustrals.

Engraziament

Sco mintg'onn ha la pleiv d'engraziar a biaras e biars denter Vus, preziasas parochianas e preziai parochians, e quei fagein nus bugen e cun grond plascher. In zun grond Dieus paghi a tut quellas e tut quels che han fatg dil bien a nossa cuminonza ed ein segidai en ina moda ni l'autra. Quei engaschi vegn pli e pli impurtonts per nossa pleiv e demuossa che nus lein esser ina cuminonza cristiana.

Special engraziament exprimn nus a nies plevon administratur, sur Mathew Kurian, sco era als plevons pensiunai sur Alexi Manetsch e sur Giusep Venzin. In engraziel fetg era alla venerabla claustra pigl agid e la buna collaboraziun. In grond engraziament meretan catechetas e catechets sco era il plevon reformau, per l'instrucziun religiosa da nos affons. Plinavon engraziein nus a tuts gidonters e tuttas gidontras dil cussegl pastoral, sco era allas lecturas ed als ordinatur da sepultura. Nies engraziament e nossa renconuschientscha va era allas calustras, allas organistas ed als organists, als chors baselgia, ad ugadessas ed ugaus-baselgia da nossas capluttas ed a tuttas e tuts che han contribuui al beinstar da nossa pleiv. In engraziel fetg va era als commembers ed alla commembra da suprastonza sco era alla secretaria per lur agid e lur grond engaschi. Nus sperein d'astgar sebasar era el futur sin quella collaboraziun e sil sustegn da biaras e biars. A nus tuts giavischel per igl onn vegnent sanadad, cuntentientscha e la benedicziun dil Tutpussent.

Mustér, fevrer 2024

Per la suprastonza dalla pleiv

Aldo Tuor, president



Rapport dalla gruppia „Salid dil Segner“

„Pass per pass cun Diu“, quei ei stau il tema central da nossas devoziuns dil Salid dil Segner.

Ellas sentupadas ein ils affons s'occupai cun historias che raquantan co carstgauns semettan sin via cun Diu. La historia dalla scaffiziun e quella dad Abraham raquantan co Diu s'empatscha dils carstgauns, co el accumpogna els e meina els tras lur veta.

Entras la historia da sogn Martin ein tuts daventai pertscharts che nus carstgauns savein suandar la veglia da Diu enten far bunas ovras. Plinavon demuossan biars plaids ord ils psalms co ins sa sefidar dil Segner e suandar el plein speranza. Ils affons han construiu vias, fontaunas, mirs, refugis e schurmetgs che gidan da capir meglier la muntada dils plaids ord la bibla. La devoziun digl advent ei stada dedicata alla historia dallas quater glischs dil pastur Simon. Alla fin da quella devoziun han ils affons purtau la glisch da Betlehem naven dil pierti en baselgia e rugau ellas supplicas per pasch e reconciliaziun denter ils carstgauns sigl entir mund.

Cun l'entschatta digl onn da scola 2023/24 ei Seraina Bigliel entrada sco gidontra en la gruppia e dacuort Andrea Keller. La scolara Romana dalla 4. classa ei restada en nies miez e Rosmarie Duff prepara vinavon las candeilas. Per la biala pagina dad internet han Livio e Luca Zanetti procurau. Ils unics plumatschs da cumiau per ils affons dalla 3. classa creescha Erika Candinas.

A tuttas e tuts che segidan cun nus engraziein nus da cor.

Sin nossa pagina d'internet san ins s'informar davart las devoziuns e contemplar fotografias dallas sentupadas: www.salidilsegner.ch
Nus engraziein alla suprastanza dalla pleiv, alla secretaria ed al plevon per il sustegn.
Bien engraziament a tuts geniturs per la confidanza enviars nus.

*Per la gruppia dil Salid dil Segner
Corina Defuns*

Quen dalla pervenda s. Gions per 2023

	<i>Quen</i>	<i>Quen</i>
EXPENSAS	2023	2022
Salaris pleiv Mustér	272'733.22	265'864.05
Salaris augsegners	85'294.60	82'467.60
Salaris persunal gidonter	73'899.32	76'564.48
Substituziuns	1'140.00	3'997.00
Giuventetgna CADI	13'367.40	13'367.40
Contribuziun per ductrina	51'435.35	46'850.15
Fotocopias scola Mustér	5'934.40	706.60
SVS assicuranza sociala	14'177.90	13'686.95
Indemisaziun suprastonza	12'911.00	9'190.00
Segiradas d'accident e malsogna	2'468.85	2'870.97
Cassa da pensiun	9'659.40	9'132.00
Indemisaziun da viadis	1'985.00	1'800.00
Installaziun da sur Mathew	–	3'159.90
Scolaziun pastorala	460.00	2071.00
Contribuziuns	17'082.70	12'880.00
Diversas contribuziuns	4'700.00	880.00
Baselgia S. Gions	8'000.00	8'000.00
Contribuziun al cussegl pastoral	4'382.70	4'000.00
Casa pervenda/schischom	12'092.85	18'552.05
Manteniment casa pervenda	3'225.80	10'053.70
Mobiliar ed indrez	552.45	-
Taxas annualas	1'704.30	1'308.10
Manteniment indrez	876.90	951.75
Electricidad casa pervenda	668.05	737.20
Ieli casa pervenda	3'275.15	4'583.25
Segiradas casa pervenda	1'690.45	892.50
Segiradas e cuosts schischom	99.75	25.55
		-

	<i>Quen</i>	<i>Quen</i>
EXPENSAS	2023	2022
Caplania Segnas	29'842.60	27'206.00
Salaris persunal gidonter	28'038.65	24'997.95
Diversas taxas annualas	609.55	743.20
Segiradas casa pervenda	169.65	519.90
SVS assicuranza sociala	764.00	863.25
Segirada d'accident e malsogna	81.00	81.70
Manteniment casa pervenda	179.75	
Caplania Cavardiras	9'145.70	11'225.00
Salaris persunal gidonter	6'429.00	9'203.05
Diversas taxas annualas	842.50	779.15
Segirada casa pervenda	121.60	189.90
SVS assicuranza sociala	119.35	112.90
Segirada d'accident e malsogna	–	–
Manteniment casa pervenda	1'205.25	512.00
Taxa da hosps e taxa da turissem	428.00	428.00
Diversa	93'522.84	78'601.10
Material da biro	614.20	1'573.30
Apparaturas da biro	79.45	1'327.85
Indrez da fotocopiar	1'562.60	2'166.80
Access internet	878.44	1'110.20
Spesas da banca	149.90	133.30
Telefon	874.60	797.20
Francaturas, porto	731.00	541.00
Divers regals / occurrenzias	4'690.35	1'886.00
Donaziuns	140.00	209.70
Ministrants	2'104.85	–
Rapport annual	173.15	2'101.50
Archiv	450.00	780.00

	<i>Quen</i>	<i>Quen</i>
EXPENSAS	2023	2022
Radunonza generala	1'372.85	2'731.20
Diversas expensas	408.25	1'830.20
Taxas radio e televisiun	78.00	78.00
Tscheina collaboraturs dalla pleiv	3'615.20	—
Revisiun dalla constituziun	600.00	1'334.85
Manteniment immobilias dalla pleiv	75'000.00	60'000.00
Total expensas	434'419.91	414'328.20

ENTRADAS		
Taglias / contribuziuns	436'358.25	415'332.90
Taglia pleiv	332'601.60	316'102.95
Cantun Grischun taglia alla fontauna	27'169.65	29'787.95
Baselgia catolica dil cantun Grischun	76'587.00	69'442.00
Pleiv Medel per ductrina	-	
Tscheins	2'650.23	2'252.23
Tscheins activs	700.23	78.63
Tscheins casa pervenda Cavardiras	1'380.00	1'380.00
Tscheins schischom	570.00	686.00
Diversas entradas	-	107.60
Total entradas	439'008.48	417'585.13

Total entradas	439'008.48	414'328.20
Total expensas	434'419.91	417'585.13
Gudogn	4'588.57	3'256.93

Bilanza dils 31 da december 2023

Activas	31-12-23	31-12-22
Total mieds finansials	464'962.55	383'530.38
Banca Raiffeisen Cadi - conto current	284'219.77	202'699.08
Banca Raiffeisen Cadi - conto da commembers	165'967.68	165'286.70
Banca Raiffeisen Cadi - assegn	200.00	200.00
UBS - conto current	10'655.75	5'443.60
GKB - conto da spargn	3'410.95	3'396.80
Sur Mathew - emprest	500.00	6'500.00
Taglia anticipada	8.40	4.20
Total mieds administrativs	200'005.00	200'005.00
Casa pervenda	200'000.00	200'000.00
Casa pervenda Segnas	1.00	1.00
Casa pervenda Cavardiras	1.00	1.00
Schischom Dulezi	1.00	1.00
Schischom e clavau Acla da Fontauna	1.00	1.00
Schischom Sontget	1.00	1.00
Total activas	664'967.55	583'535.38
Passivas		
Total capital jester	6'343.60	4'500.00
Passivas transitorias	6'343.60	4'500.00
Total capital agen	658'623.95	579'035.38
Capital agen	519'035.38	515'778.45
Reserva baselgia Sogn Gions	135'000.00	60'000.00
Sperdita/gudogn	4'588.57	3'256.93
Total passivas	664'967.55	583'535.38

*Mustér, ils 12 da schaner 2024
responsabel finanzas
Romeo Schmed*

Quen dalla baselgia parochiala s. Gions 2023

Expensas	31-12-23	31-12-22
Uorden per il survetsch divin	4'447.10	2'116.40
Embelliment dalla baselgia (flurs, candeilas)	5'227.00	587.00
Assicuranza da baghetgs	2'861.70	2'657.55
Assicuranza digl inventar	2'486.90	2'538.10
Energia, scaldament, glisch	11'402.35	10'186.30
Cudischs	0.00	194.50
Publicaziuns Fegl ufficial etc.	1'030.70	1'269.15
Abonnaments per man. d'apparaturas	1'421.25	1'648.35
Divers quens da reparaturas e manteniment	7'908.50	5'087.05
Honorar ordinaturs	2'160.00	2'560.00
Contribuziun ministrants	0.00	500.00
Contribuziun chor baselgia	2'000.00	2'000.00
Taxas da rumians, canalisaziun e aua	3'222.00	2'202.75
Tscheins per il local a Sut Gliendas	3'000.00	3'000.00
Diversas expensas	2'300.00	14'622.65
Spesas da banca, portos	263.56	186.00
Total expensas	49'731.06	51'355.80

Entradas		
Unfrendas	14'191.25	16'498.16
Donaziuns	0.00	300.00
Contribuziun pleiv s. Gions	8'000.00	8'000.00
Contribuziun fondo messas fundadas	10'000.00	10'000.00
Diever baselgia, concerts etc.	0.00	180.00
Tscheins dretg alp Cristallina	0.00	250.00
Vendita cudischs	0.00	0.00
Diversas entradas	70.00	70.00
Restituziun taglia anticipada	0.00	0.00
Tscheins capital	0.00	0.00
Total entradas	32'261.25	35'298.16

Total entradas	49'731.06	51'355.80
Total expensas	32'261.25	35'298.16
Surpli expensas	-17'469.81	-16'057.64

Bilanza per ils 31 da december 2023

Activas			31-12-23	31-12-22
Conto current			38'403.08	55'872.89
Total activas			38'403.08	55'872.89

Passivas				
Capital agen			55'872.89	71'930.53
Sperdita			17'469.81	16'057.64
Total passivas			38'403.08	55'872.89

Moviment dalla facultad 2023				
Facultad ils 31.12.2022			55'872.89	71'930.53
Facultad ils 31.12.2023			38'403.08	55'872.89
Sminuziun dalla facultad			-17'469.81	-16'057.64

*Mustér, ils 12 da schaner 2024
responsabel finanzas
Romeo Schmed*

Quen dalla baselgia s. Bistgaun e s. Roc Segnas 2023

Expensas	31-12-23	31-12-22
Uorden per survetsch divin	174.00	1'361.70
Embelliment dalla baselgia	878.90	533.85
Assicuranza da baghetgs	677.25	628.90
Assicuranza d'inventari	568.80	554.10
Forza electrica (scaldament)	1'677.45	1'850.85
Energia per glisch ed installaziuns	838.35	926.80
Servis d'orgla e tuchiez	703.35	644.50
Reparaturas	580.30	5'371.30
Taglia anticipada	339.75	--
Taxas da rumians, canalisaziun, aua, polizia da fug	697.05	528.60
Spesas da banca, porti	48.00	48.00
Total expensas	7'183.20	12'448.60

Entradas		
Unfrendas	2'436.80	3'285.65
Donaziuns	5'516.41	350.00
Contribuziuns fondo messas fundadas	--	10'000.00
Tscheins capital	970.65	21.45
Contribuziun cassa da candeilas	1'253.15	1'018.02
Total entradas	10'177.01	14'675.12

Total expensas	7'183.20	12'448.60
Total entradas	10'177.01	14'675.12
Surpli entradas	2'993.81	2'226.52

Bilanza per ils 31 da december 2023

Activas	31-12-23	31-12-22
Conto da spargn Banca cantunala	220'284.75	214'653.85
Conto da spargn Banca Raiffeisen	1'317.62	3'954.71
Total activas	221'602.37	218'608.56

Passivas		
Capital agen	218'608.56	216'382.04
Gudogn e sperdita	2'993.81	2'226.52
Total passivas	221'602.37	218'608.56

Segnas, ils 7 da schaner 2024

ugau-baselgia

Gion Tenner

Quen dalla baselgia s. Antoni Cavardiras 2023

Expensas	31-12-23	31-12-22
Energia, scaldament, glisch	954.50	1'022.60
Assicuranzas	1'467.30	1'385.70
Taxas annualas; aua, rumians	677.20	479.85
Candeilas, devoziunalias	1'759.30	280.00
Spesas da banca	24.90	28.00
Manteniment orgla	346.00	335.00
Manteniment tuchiez	347.45	301.55
Manteniment baselgia	3'026.35	4'916.84
Embelliment baselgia	715.10	381.00
Diversas expensas	434.25	30.00
Fiasta s. Antoni	665.00	509.00
Total expensas	10'417.35	9'669.54

Entradas		
Entradas	31.12.23	31.12.22
Unfrendas	492.45	927.10
Candeilas	3'808.04	2'900.18
Cassa statua da Sogn Antoni	1'821.00	1'759.42
Tscheins activs	992.78	562.40
Diversas entradas	147.40	
Restituziun vischnaunca (electricidad tualetta)	300.00	300.00
Total entradas	7'561.67	6'449.10

Total expensas	7'561.67	6'449.10
Total entradas	10'417.35	9'669.54
Surpli expensas	-2'855.68	-3'220.44

Bilanza per ils 31 da december 2023

Activas	31-12-23	31-12-22
Conto da spargn	61'769.99	60'938.48
Conto privat	9'420.52	13'568.98
Daner a termin (scadenza 2027)	100'000.00	100'000.00
Daner a termin (scadenza 2023)	60'000.00	60'000.00
Assegn Banca Raiffeisen Cadi	200.00	200.00
Taglia anticipada	647.47	186.20
Total activas	232'037.98	234'893.66

Passivas		
Capital agen	234'893.66	238'114.10
Gudogn/sperdita	-2'855.68	-3'220.44
Total passivas	232'037.98	234'893.66

Cavardiras, ils 2 da schaner 2024

ugadessa-baselgia

Alexa Schuoler-Mathiuët

Facultad dils fondos da baselgias e capluttas

	31-12-23	31-12-22
Baselgia parochiala s. Gion Battesta		
Ugau: Romeo Schmed/Gion Tenner		
Fondo baselgia	38'403.08	55'872.89
Fondo messas fundadas	171'042.67	180'487.47
Baselgia s. Antoni, Cavardiras		
Ugadessa: Alexa Schuoler		
Fondo baselgia	232'037.98	234'893.66
Fondo messas fundadas	31'511.45	31'474.02
Baselgia s. Bistgaun e s. Roc, Segnas		
Ugau: Gion Tenner		
Fondo baselgia	221'602.37	218'608.56
Fondo messas fundadas	54'769.70	54'213.65
Baselgia s. Placi		
Ugau: Romeo Schmed/Gion Tenner		
Fondo baselgia	35'831.00	37'232.40
Baselgia s. Gada		
Ugau: Romeo Schmed/Gion Tenner		
Fondo baselgia	179'320.65	84'918.25
Baselgia da Nossadunna, Acletta		
Ugau: Corsin Maissen		
Fondo baselgia	41'520.42	40'629.53
Caplutta Sontgaclau e s. Silvester, Mumpé Tujetsch		
Ugau: Augustin Maissen		
Fondo caplutta	42'488.01	40'901.36
Caplutta s. Valentin e s. Brida, Mumpé Medel		
Ugau: Baseli Jacomet		
Fondo caplutta	20'537.63	20'769.88
Caplutta s. Antieni, Pardomat		
Ugau: Marcel Steger		
Fondo caplutta	16'430.92	16'521.30

	31-12-23	31-12-22
Caplutta s. Leci e s. Bonaventura, Disla		
Ugau: Max Deplazes		
Fondo caplutta	2'109.96	3'197.06
Caplutta s. Giachen e s. Onna, Cuoz		
Ugau: Adrian Deflorin		
Fondo caplutta	30'524.62	31'520.93



www.pleivdisentis.ch

Gia dapi plirs onns ei la Pleiv s. Gions era presenta egl internet. Sper ina vasta collecziun da texts historics anfleis Vus leu era igl urari dallas messas, las annunzias da mort, sco ulteriuras informaziuns davart nosssa pleiv.

Rapport dils revisurs

Ella seduta dils 15 da fevrer 2024 havein nus, tenor incarica digl artechel 21 dalla constituziun dalla Pleiv s. Gions, repassau ils quens ed il menaschi finanziel dalla pervenda, dallas baselgias e dallas capluttas dalla Pleiv s. Gions per igl onn 2023.

Per mauns dalla radunonza generala savein nus dar il suandont rapport:

1. Las cudischaziuns ein accumpignadas dils mussaments necessaris
2. Ils saldis da cassa e contos da banca corrispundan culs attests mussai ora
3. Las vaglias cudischadas ein avon maun
4. Las expensas ein fatgas tenor conclus dalla radunonza generala sin fundament dils preventivs

Las ulteriuras expensas ein vegnidas decididas dalla suprastonza tenor las cumpetenzas dalla constituziun

Sin basa da nossas controllas fagein nus alla radunonza generala las suandontas propostas:

- a) d'approbar la bilanza ed il quen administrativ per ils 31 da december 2023 dalla pervenda, dalla baselgia parochiala s. Gions, dallas caplanias Segnas e Cavardiras e dallas capluttas tenor las cefras presentadas,
- b) da dar scarica alla suprastonza ed als funcziunaris,
- c) d'exprimer in meritau engraziament alla suprastonza , als augsegners ed a tuttas ugadessas/ tuts ugaus per lur nunstunclenteivel engaschi.

Mustér, ils 15 da fevrer 2024

Ils revisurs:

Claudius Berther

Pirmin Monn

Il Cussegl pastoral enquera adina puspei persunas ch'ein prontas da segidar e s'engaschar per nossa pleiv. Interessentas ed interessents san s'annunziar tier il secretariat da nossa pleiv. Nus selegrein da mintga maun che segida cun nus.

Preventiv dalla pervenda s. Gions per 2024

	<i>Preventiv</i>	<i>Quen</i>
EXPENSAS	2024	2023
Salaris pleiv Mustér	307'000.00	296'902.67
Salaris augsegners	88'000.00	85'294.60
Salaris persunal gidonter	82'000.00	79'841.17
Salaris organists e dirigents	32'000.00	30'630.65
Salaris substituziuns	3'000.00	1'140.00
Indemnisaziun suprastonza	13'000.00	12'911.00
Contribuziun per ductrina	55'000.00	51'435.35
Fotocopias scola Mustér	3'000.00	5'934.40
Assicuranza sociala (AVS)	15'500.00	15'061.25
Cassa da pensiun	10'000.00	9'659.40
Segiradas d'accident e malsogna	3'000.00	2'549.85
Indemnisaziun da viadis	2'000.00	1'985.00
Scolaziun pastoralala	500.00	460.00
Contribuziuns	25'500.00	22'450.10
Giuventetgna Cadi	13'500.00	13'367.40
Contribuziun al cussegl pastoral	4'000.00	4'382.70
Contribuziuns instituziuns culturalas	3'000.00	-
Diversas contribuziuns	5'000.00	4'700.00
Diversa	20'000.00	16'417.99
Occurrenz	6'000.00	7'678.40
Regals	2'000.00	2'000.00
Donaziuns	1'000.00	140.00
Material ed apparatusas da biro	2'000.00	693.65
Indrez da fotocopiar	1'500.00	1'562.60
Rapport annual e FUS	3'000.00	173.15
Archiv	500.00	450.00
Telefon, internet e taxas	2'000.00	1'831.04
Francaturas, portos	1'000.00	731.00
Spesas da banca	500.00	149.90
Diversas expensas	500.00	1'008.25

	<i>Preventiv</i>	<i>Quen</i>
Immobilias / Schischom	20'500.00	87'092.85
Manteniment dallas immobilias	5'000.00	4'655.15
Taxas annualas	1'700.00	1'704.30
Energia, scaldament	4'000.00	3'943.20
Segiradas	1'800.00	1'790.20
Diversas expensas	-	-
Tscheins per il local Sut Gliendas	3'000.00	
Reservas ed amortisaziuns	5'000.00	75'000.00
Baselgia s. Gions	24'200.00	8'000.00
Manteniment	2'000.00	8'000.00
Taxas annualas	2'200.00	
Energia, scaldament	10'500.00	
Segirada da baghetgs	2'000.00	
Uorden per il survetsch divin	2'000.00	
Embelliment	5'000.00	
Diversas expensas	500.00	
Baselgia Segnas	2'770.00	958.95
Manteniment	2'000.00	179.75
Taxas annualas	600.00	609.55
Energia, scaldament		-
Segirada da baghetgs	170.00	169.65
Diversas expensas		
Baselgia Cavardiras	3'500.00	2'597.35
Manteniment	2'000.00	1'205.25
Taxas annualas	1'300.00	1'270.50

	<i>Preventiv</i>	<i>Quen</i>
ENTRADAS		
Taglias / contribuziuns	402'000.00	436'358.25
Taglia pleiv	300'000.00	332'601.60
Cantun Grischun taglia alla fontauna	27'000.00	27'169.65
Baselgia catolica dil cantun Grischun	75'000.00	76'587.00
Pleiv Medel per ductrina	-	-
tscheins	3'030.00	2'650.23
Tscheins activs	1'000.00	700.23
Tscheins casa pervenda Cavardiras	1'380.00	1'380.00
Tscheins schischom	650.00	570.00
Diversas entradas	-	-
TOTAL ENTRADAS	405'030.00	439'008.48
TOTAL EXPENSAS	403'470.00	434'419.91
GUDOGN	1'560.00	4'588.57

Fixaziun dil pei da taglia per 2025

La suprastanza dalla Pleiv s. Gions ed ils revisurs da quen proponan alla radunonza generala dalla Pleiv s. Gions/Mustér da fixar il pei da taglia sco suonda:

Per igl onn 2025 duei il pei da taglia restar sco per 2024 sin 12% digl import dalla taglia sempla dil cantun.

Ufficials dalla Pleiv s. Gions

1.	Suprastonza	
	Tuor Aldo, president/persunal	
	sur Kurian Mathew, plevon (ex off.)	
	Tenner Gion, vicepresidente/infrastructura	
	Schmed Romeo, finanzas	
	Schuoler Alexa, commembra	
2.	Revisurs da quen	
	Berther Claudius	
	Monn Pirmin	
3.	Ugaus-baselgia e caplutta	
	Acletta	Maissen Corsin
	Cavardiras	Schuoler Alexa
	Cuoz	Deflorin Adrian
	Disla	Deplazes Max
	Madernal	Claustra Mustér
	Mumpé Medel	Jacomet Baseli
	Mumpé Tujetsch	Maissen Augustin
	Pardomat	Steger Marcel
	Segnas	Tenner Gion
	Sogn Placi	Tenner Gion
	Sontga Catrina	famiglia Condrau (privat)
	Sontga Gada	Tenner Gion
	Vitg, baselgia parochiala	Tenner Gion
4.	Commembers dil cussegl pastoral	
	sur Kurian Mathew (ex off.)	
	Bisquolm Nanetta	
	Bisquolm Valentin	
	Buschor Josef	
	Caduff-Kneidinger Giusep	
	Keller-Tschuor Andrea	
	Schmed Letizia	
5.	Secretariat	
	Lombris Jris	

P.P.

7180 Disentis/Mustér
Post CH AG